

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Epistolarvm [epistolarum] D. Philippi Melanchthonis
Farrago**

Melanchthon, Philipp

Basileae, 1565

VD16 -M3220

Reuerendo uiro,D. Georgio Bucholtzero,fratri suo charissimo

[urn:nbn:de:bsz:31-312770](#)

nes ornamento Germaniae fuerunt. Quod C.T.
mihi clemēter & scripsit, & a prum misit, ego gra-
tias & pro bencuolentia & munere. Et uicissim la-
bores meos Ecclesiæ & Reipublicæ offero. Bene
& feliciter ualeat C.T. Die quarto Ianuarij, anno
1558: qui annus ut sit faustus & felix Celsitudini ue-
stre, & Ecclesiæ, & Germanie, faciat filius Dei.
Dominus noster Iesu Christus: Amen.

Reuerendo uiro, D. Georgio Bu-
choltzero, fratri suo charis-
simo,

S. D. Reuerende uir, & charissime frater. Scis
magnum & singulare Dei beneficium, sobolem, ca-
pacem doctrinae, & habentem inclinationes ad uir-
tutem firmas. Talis cum sit Ioachimus Blanckefeld,
& patri & adolescenti ipsi talim naturam gratu-
lor. Et Reipub. causa gaudeo, esse aliqua talia in-
genia: ac Deum oro, ut hunc ioachimum & alios
honestos adolescentes seruet & gubernet, et faciat
ut multi sint iusta misericordia, & organa saluta-
ria. Audiui enim cum de aliquibus dialecticis que-
stionibus diffutantem, de quibus non solum recte
respondit, sed etiam ornat responsones moderatio
pronunciationis. Ac patrem recte facturum esse iu-
dico, si eum diutius in studio literarum reinebit, et
iubebit initia iuris ciuilis discere, etiam si post bie-
nius

uirm uellet eum abducere à studio. Cūm autē ipse
adolescēs cupiat procedere in doctrinis: multo ma-
gis iudico nō abducendū esse à literis. Sed placet mi-
hi, ut sit apud uirum eruditum in iure, ubi incipiat
eius doctrinæ principia rectè diseere: ac Deū oro,
ut & consilium patris, & totum cursum uitæ et stu-
diorum adolescentis gubernet. Bene uale 16 Fe-
bruarij, 1556.

Iusfi ut ad me scriberet de sua uoluntate. Eam e-
pistolam patri legendam exhibeas. Hamburgenis
multis agrotis fuit gratius: ideo illo munere delecta-
tus sum. Ego non admodum frui soleo, sed bencuo-
lentiam honesti uiri magnifico: et ubi gratificari
potero, uicissim meam bencuolentiam declarabo.

Eidem.

S. D. Reuerende uir, & charissime frater:
ut ueniens annus sit faustus & felix Ecclesijs no-
stris, & eorum hospitijs, & pījs Principibis, & ti-
bi & ecclie tue domestice, faciat Deus aeternus
Pater Domini nostri Iesu Christi, qui & ordinē in
natura instituit, et metas amorum distinxit, ut testi-
monia de se illustria ostendat. Profectò metuo hoc
anno tribus horrendis bellis arsuram esse Germā-
niā, Turcico in Pannonia, Gallico in Belgia, uici-
nali ad Moenum. Nam astrorum positus, eclipsē,
prodigia, & hominum furores mimitātur bella &
regium